

Caroli V. & Sacri Imperii Ordinationem benè & sufficiente Assessorum numero est constitutum. Ratio tamen, quare septem vel octo Assessores adesse debeant, ut iudicium dicatur rectè constitutum, unicè ex arbitrio Legislatoris pendet. Illud tamen certum est, quod libenter velint: impari in iudicando Assessorum debere esse numerum, cum imparibus suffragiis res facilius dijudicetur, *c. s. si quis Episcopus. 6. question. 4.* Equidem Gellius *l. 9. c. 15. p. 497.* septem Iudices constituit; sed praxis hodierna tanti numeri necessitatem respuit, cum in plerisque pauciores Assessores, licet non sine iustitiæ dispendio, constituti, hasce lites & negotia criminalia expediant, quamvis tamen nihil hinc incommodi videatur oriri posse, si ipsi Jurisperitorum consilium sequantur.

ARTIC. LXXXV.

De reo ante executionem in conspectu publicè in numellis, aut compedibus exhibendo.

Wann der Beklagte öffentlich in den Stock/Pranger oder Hals-Eisen gestellt werden soll.

So wider den Beklagten die Urtheil zu peinlicher Straff endlich beschlossen wird/wo dann herkommen ist/den Ubelthäter/darvor oder nach/am Markt/oder Platz/etlich Zeit öffentlich in Stock/Pranger/oder Hals-Eisen zustellen / dieselbige Gewohnheit soll auch gehalten werden.

AD ARTIC. LXXXV.

ARGUMENTUM.

Recepta consuetudo sistendi reum publicè in conspectu populi ante executionem servanda est.

EXEGESIS.

Quibusdam in locis ante hanc Constitutionem Carolinam fuit receptum, ut reus, postquam sententia condemnatoria contra ipsum lata fuit, publicè in conspectu populi in foro, vel aliò locò ante executionem aliquò temporis spatìo vinctus compedibus vel

P p

collò